

annemung der personen. Also beschließ ich / in summa ir
annemen sol vnd mag den rechten vñ gots gebotten nit
nachteylig sin noch schaden.

¶ Zum sechsten / vnd was gemeret werd. Cicero sprichet
in officijs. Qui ex errore imperite multitudinis pendet/
hic in magnis viris non est habendus / das ist gesagt der
ist nit in der zal der geachteten man der do hangt an der
irring der vngelöbten gemein. Es ist lecherlich zü hören
das sy im glauben meren wellen.

¶ Zum sybenden was beschloffen würt. Dz muß ich fras
gen woumb irer beschluß als eins einzigen orts sol bston
vñ der beschluß der acht örtter sol nit gelten / vor ab so alle
sachen also partheyesich sint gehandelt worden.

¶ Zum achten sol ewigē bstande haben. Vff min eyd die
lüt tragent ire anschleg hoch / vnd haltent ir fürnemen
bstandig / aber gedenc kent min da by es würt nit dusf.
Bern. Auch wir vnd ir dem gestrackts nach kōmen vnd
geleben / ein andren da by alles vermögens (als sil gote
gnad gibt) handt haben / schützen vñ schirmen / vnd nie
mans vnder vns vnd vch gestatten dar wider zü reden /
practicierē / thūn noch handeln / heimlich noch offentlich
das zü hinderstellung vñ entkrefftigung des selben reich
en möcht / sonder das für vns vnd vnser ewig nach kōm
men / stāt / vest / vnuerbrochenlich vnd getruwlich zü hal
ten all finde / argelust / geuerde / vñ flucht / schirm / hilff /
vnd was hie wider sin möcht vñ beschloffen.

Murner. Desses sint wörter von zü künfftigen dingen
von denen kein sicher worheit ist / so ist sil mangels an dis
sen worten / Sy schribent nit mer dan ir en willē / aber ich
habs dar für ire vnderthone wellent wyt ein anders als
auch jetz vor augen ist. Zum andren / so habent die von
Bern dieses gar keine gewalt. Zum dritten so sint ire vn
derthone jnen nit schuldig in diesem zü gehorsamen. Vñ
zum vierden so setz jm 8 mensch sil für / aber der alt gott
lebe